

কমপিউটার জগতের খবর

প্রাথমিকের মাল্টিমিডিয়া কনটেন্ট উদ্বোধন করলেন প্রধানমন্ত্রী

সব স্তরের শিক্ষাকে ডিজিটাল করতে নিজ নিজ এলাকার বিত্তবানদের এগিয়ে আসার আহ্বান জানিয়েছেন প্রধানমন্ত্রী শেখ হাসিনা। বিত্তবানদের যদি নিজ নিজ এলাকার প্রাথমিক বিদ্যালয়গুলোকে মাল্টিমিডিয়া সিস্টেমসহ প্রযুক্তিনির্ভর উপকরণ উপহার দেয়ার আহ্বান জানিয়ে তিনি বলেন, এখন প্রযুক্তির ব্যবহার যেমন সহজ হয়েছে, তেমনি তা সহজলভ্য করতেও সরকার কাজ করছে। তাই প্রাথমিক বিদ্যালয়গুলোর পাশাপাশি সব স্তরের শিক্ষাকে ডিজিটাল বা প্রযুক্তিনির্ভর করতে কাজ করা হচ্ছে। সম্প্রতি প্রধানমন্ত্রীর কার্যালয়ে প্রাথমিক শিক্ষার পাঠ্যসূচি নিয়ে বিষয়ভিত্তিক ইন্টারেক্টিভ মাল্টিমিডিয়া কনটেন্ট উদ্বোধন অনুষ্ঠানে তিনি এসব কথা বলেন। প্রধানমন্ত্রী বলেন, প্রাথমিকের পর আমরা মাধ্যমিককে ডিজিটাল করে দেব। আমরা সেভাবে পদক্ষেপ নিচ্ছি। শিক্ষা শুধু বই পড়ে হয় না। চোখে দেখে অনেক শেখা যায়। আমরা সেভাবে আমাদের ছেলেমেয়েদের শেখাতে চাই। শেখা হাসিনা বলেন, বাংলাদেশের যেসব শিক্ষার্থী বিদেশে যায়



তারা অনেক ভালো ফল করে। এ থেকে বোঝা যায়, বাংলাদেশ শিক্ষার্থীরা অনেক বেশি মেধাবী ও মননশীল। ডিজিটাল বাংলাদেশে এসব শিক্ষার্থীর মেধাকে বিকশিত করতেই তথ্যপ্রযুক্তি বিষয়ক উপকরণগুলো সহজলভ্য করা হচ্ছে।

সরকারের আইসিটি বিভাগ প্রাথমিক শিক্ষার বিষয়ভিত্তিক কনটেন্টগুলো ইন্টারেক্টিভ মাল্টিমিডিয়াতে রূপান্তর করতে ২০১৪ সালে ব্য্র্যাকে আর্থিক অনুদান দেয়। বেসরকারি উন্নয়ন সংস্থা ব্য্র্যাক ও সেভ দ্য চিলড্রেন প্রাথমিকের ১৭টি বইয়ের মধ্যে প্রথম শ্রেণির তিনটি, দ্বিতীয় শ্রেণির তিনটি, তৃতীয় শ্রেণির তিনটি, চতুর্থ ও পঞ্চম শ্রেণির চারটি করে বই ডিজিটাল সংস্করণে রূপান্তর করেছে। ইন্টারেক্টিভ মাল্টিমিডিয়া উদ্বোধন অনুষ্ঠানে উপস্থিত ছিলেন ব্য্র্যাকের প্রতিষ্ঠাতা স্যার ফজলে হাসান আবেদ, প্রাথমিক ও গণশিক্ষা মন্ত্রী মোস্তাফিজুর রহমান, আইসিটি প্রতিমন্ত্রী জুলাইদ আহমেদ পলক, সেভ দ্য চিলড্রেনের প্রতিনিধি, শিক্ষক-শিক্ষার্থীসহ অনেকে।

বাংলাদেশ ব্যাংকের ই-লাইব্রেরির শুভ উদ্বোধন

গত ২৩ ফেব্রুয়ারি বাংলাদেশ ব্যাংকের ই-লাইব্রেরির শুভ উদ্বোধন করেছেন গভর্নর ড. আতিউর রহমান। উদ্বোধনকালে তিনি বলেন, লাইব্রেরি জ্ঞানের উৎস। নতুন নেতৃত্বের উৎকর্ষ সাধনে জ্ঞানচর্চার বিকল্প নেই। ইতোমধ্যে দেশের বেশ কিছু গুরুত্বপূর্ণ লাইব্রেরির সাথে বাংলাদেশ ব্যাংকের ই-লাইব্রেরির নেটওয়ার্ক স্থাপন সম্ভব হয়েছে। ভবিষ্যতে বিশ্বের বড় বড় লাইব্রেরির সাথে যুক্ত হবে। এটি কেন্দ্রীয় ব্যাংকসহ আর্থিক খাতের কর্মী, আগ্রহী পাঠক ও গবেষকদের জ্ঞানার্জনের কেন্দ্রবিন্দুতে পরিণত হবে এমন আশাবাদ ব্যক্ত করেন ড. আতিউর রহমান। শুভেচ্ছা বক্তব্যে ডেপুটি



গভর্নর নাজনীন সুলতানা বলেন, আজকের ই-লাইব্রেরি উদ্বোধনের মধ্য দিয়ে বাংলাদেশ ব্যাংক ডিজিটলাইজেশনের আরেক ধাপে উন্নীত হলো। এ সাফল্যকে একটি মাইলফলক বলে উল্লেখ করেন আরেক ডেপুটি গভর্নর এসকে সুর চৌধুরী। ডেপুটি গভর্নর আবুল কাশেমের সভাপতিত্বে অনুষ্ঠানে বক্তব্য রাখেন ডেপুটি গভর্নর আবু হেলা মোহা: রাজী হাসান, বাংলাদেশ ব্যাংকের পরিচালক পর্যদের সদস্যবৃন্দ ড. এম আসলাম আলম, ড. মোস্তফা কামাল মুজেরী, অধ্যাপক সনৎ কুমার সাহা, ড. সাদিক আহমেদ এবং অধ্যাপক হাল্লানা বেগম। অনুষ্ঠানে উপস্থিত ছিলেন ব্যাংকের নির্বাহী পরিচালক এবং কর্মকর্তা-কর্মচারী ও বিভিন্ন গণমাধ্যমের প্রতিনিধি

তথ্যপ্রযুক্তি খাতের ব্য্র্যাডিংয়ে বিলিয়ন ডলার : পলক

আগামী এক বছরে দেশের প্রযুক্তি ও প্রযুক্তি সম্পর্কিত খাতকে বিশ্ব দরবারে পরিচিত করতে ব্য্র্যাডিং ও মার্কেটিংয়ে প্রায় এক বিলিয়ন ডলার বিনিয়োগ করার আশ্বাস দিয়েছেন তথ্যপ্রযুক্তি প্রতিমন্ত্রী জুলাইদ আহমেদ পলক। দেশে অনেক আইটি কোম্পানি বিশ্ব দরবারে অনেক নাম করলেও সেগুলোর নিবন্ধন রয়েছে বহির্বিদেশে। তবে দেশে শুধু সঠিক ব্য্র্যাডিং ও মার্কেটিংয়ে বিনিয়োগ করতে না পারায় অনেক ভালো কোম্পানিও বেশিরভাগ সময় কাজ পায় না। এই অবস্থা থেকে কোম্পানিগুলোকে উত্তরণ ঘটাতে এই বিনিয়োগ করা হবে বলে জানান পলক। সম্প্রতি রাজধানীর খামারবাড়ীর কৃষিবিদ ইনস্টিটিউট মিলনায়তনে কানেক্টিং



স্টার্টআপস বাংলাদেশ প্রতিযোগিতার উদ্বোধনী অনুষ্ঠানে উপস্থিত স্টার্টআপস ও আইটি কোম্পানির প্রতিনিধিদের এই আশ্বাস দেন তিনি। এক প্রশ্নের জবাবে প্রতিমন্ত্রী বলেন, দেশের বিভিন্ন কাজে দেশীয় কোম্পানিগুলোকে অগ্রাধিকার দেয়া হচ্ছে। সম্প্রতি স্মার্ট এনআইডি কার্ডের কাজও পেয়েছে দেশীয় কোম্পানি টাইগার আইটি। পলক বলেন, ২০২১ সালের মধ্যে দেশে এক হাজার উদ্ভাবনী আইডিয়া ও প্রোডাক্ট নিয়ে আসার জন্য স্টার্টআপস বাংলাদেশ প্রতিযোগিতার আয়োজন করা হয়েছে। এই উদ্ভাবনের মধ্য দিয়েই আমরা দেশে ফেসবুক, গুগল, টুইটার, অ্যাপলের মতো উদ্যোক্তা তৈরি করতে পারব।

বাংলাদেশে মোবাইল ও চিপ তৈরির কারখানা করবে এরিকসন

সুইডেনের প্রতিষ্ঠান এরিকসন বাংলাদেশে স্বল্পমূল্যে মোবাইল হ্যান্ডসেট সরবরাহ করার জন্য মোবাইল ও চিপ তৈরির কারখানা খুলতে আগ্রহী। ডাক ও টেলিযোগাযোগ প্রতিমন্ত্রী তারানা হালিম ফেসবুক পেজে এ তথ্য জানিয়েছেন। কম মূল্যে দেশের সব জনগণের হাতে আধুনিক প্রযুক্তির মানসম্পন্ন স্মার্টফোন ও উচ্চগতির ইন্টারনেট পৌঁছে দিতে চান তারানা হালিম। বাংলাদেশে একটি মোবাইল কারখানা স্থাপন করে স্বল্পমূল্যের স্মার্টফোন তৈরির জন্য দেশি-বিদেশি বিভিন্ন হ্যান্ডসেট প্রস্তুতকারক কোম্পানির সাথে কথাও বলেছেন প্রতিমন্ত্রী। একটি প্রকল্পের আওতায় গরিব মানুষের হাতে হাতে কিস্তিতে দ্রুত স্মার্টফোন পৌঁছে দেয়ারও পরিকল্পনা রয়েছে তার। তারানা হালিম লিখেছেন, ডাক ও টেলিযোগাযোগ বিভাগ সর্বদা গ্রাহক সেবা ও সম্প্রতির জন্য কাজ করছে। এজন্য আমরা এখন দেশের সব জনগণের হাতে কম মূল্যে আধুনিক প্রযুক্তির মানসম্পন্ন স্মার্টফোন ও উচ্চগতিসম্পন্ন ইন্টারনেট পৌঁছে দেয়ার কাজ করে চলেছি। সে লক্ষ্যে আমি এরিকসন কোম্পানির সাথে কথা বলেছি। তারা আমাদের দেশে একটি মোবাইল ও চিপ তৈরির কারখানা খুলতে আগ্রহী, যেখান থেকে আমাদের দেশের চাহিদা অনুযায়ী মোবাইল ফোন উৎপাদন করতে পারবে এবং দেশের ছেলেমেয়েদের কর্মসংস্থানও সৃষ্টি হবে

৬ মাসে বিটিআরসির আয় দেড় হাজার কোটি টাকা

বাংলাদেশ টেলিযোগাযোগ নিয়ন্ত্রণ কমিশন (বিটিআরসি) ২০১৫-১৬ অর্থবছরের (জুলাই-ডিসেম্বর) প্রথম ৬ মাসে আয় করেছে ১ হাজার ৬০৯ কোটি টাকা। এছাড়া গত দেড় মাসে আরও যে পরিমাণ টাকা জমা পড়েছে, তার পরিমাণ ২ হাজার কোটি টাকা। স্তরের বছরে বিটিআরসির আয় হয়েছিল ৩ কোটি ৪৫ লাখ টাকা। আর ১৪ বছর শেষে এ সময় বিটিআরসির মাধ্যমে সরকারের আয় প্রায় ৪০ হাজার কোটি টাকা।

চলতি অর্থবছরের প্রথম ৬ মাসে কলচার্জ থেকে আয়ের ভাগাভাগির অংশ ও সিম বিক্রির ওপর প্রযোজ্য করবাবদ শুধু ৬ মোবাইল ফোন অপারেটরের কাছ থেকেই ১ হাজার ২৫৩ কোটি টাকার রাজস্ব আহরণ করেছে বিটিআরসি। অর্থ মন্ত্রণালয় সূত্রে এ তথ্য জানা গেছে।

ইপসনের বেস্ট সার্ভিস সেন্টারের সম্মাননা পেল ফ্লোরা লিমিটেড



প্রিন্টিং জগতের বিশ্বখ্যাত প্রতিষ্ঠান ইপসনের বেস্ট সার্ভিস সেন্টারের সম্মাননা পেল দেশের শীর্ষস্থানীয় প্রযুক্তি প্রতিষ্ঠান ফ্লোরা

লিমিটেড। ইপসন পণ্যে মানসম্পন্ন গ্রাহক সেবা নিশ্চিত করায় গত ২ মার্চ থাইল্যান্ডের করবীতে এক অনুষ্ঠানে ২০১৫-২০১৬ সময়ের জন্য ফ্লোরা লিমিটেডকে এই সম্মাননা দেওয়া হয়। বাংলাদেশে টেক্সটাইল থেকে শুরু করে বাণিজ্যিক, অফিস, ব্যক্তিগত পর্যায়ে ইপসন উদ্ভাবিত ইঙ্কজেট, ইঙ্কট্যাক প্রিন্টারের ব্যাপক চাহিদা রয়েছে।

১৯৭২ সালে বাংলাদেশে প্রতিষ্ঠিত ফ্লোরা লিমিটেড জাপানভিত্তিক সিয়োকো ইপসন করপোরেশনের সাথে প্রায় তিন যুগ ধরে পণ্য সেবাদানের কাজ করছে। ফ্লোরা বাংলাদেশে নাইকন, লেনোভো, মাইক্রোসফট, সিসকো, ইন্টেল, ডেল, প্রেস্টিজিও, রোল্যান্ড, ভারব্যাটম, লিংকসিস, ক্রিয়েটিভ, এইচপি, ক্যানন, সিসকো, ইন্টেল, সিসটিম্যাক্স, অলিম্পাস, প্রিএমসহ অন্যান্য বিশ্বখ্যাত পণ্য সরবরাহ করে

স্যামসাং বাংলাদেশের নতুন ম্যানেজিং ডিরেক্টর স্যাংওয়ান ইউন



স্যংওয়ান ইউন সম্প্রতি স্যামসাং বাংলাদেশের নতুন ম্যানেজিং ডিরেক্টর (এমডি) হিসেবে যোগদান করেছেন। তিনি স্যামসাংয়ের সাথে বিগত ২০ বছর ধরে কাজ

করছেন এবং এখন তিনি স্যামসাং ইলেকট্রনিকস বাংলাদেশের প্রধান হিসেবে নিয়োজিত হলেন। ইউন বলেন, 'স্যামসাং ইলেকট্রনিকস বাংলাদেশের প্রধান হিসেবে কাজ করার সুযোগ পেয়ে আমি খুবই আনন্দিত। আমরা বিশ্বাস করি, বাংলাদেশের এমন অগ্রগতি হচ্ছে যেখানে পেছনে ফিরে তাকানোর কোনো অবকাশ নেই এবং আমরা দেশের ডিজিটাল বিপ্লবের একটি গুরুত্বপূর্ণ অংশীদার হতে অগ্রহী।'

টোটোলিংকের ৩জি-৪জির ওয়্যারলেস রাউটার



গ্লোবাল ব্র্যান্ড নিয়ে এলো টোটোলিংকের ৩জি-৪জি সমর্থনযোগ্য নতুন দুটি ওয়্যারলেস রাউটার জি১৫০আর ও জি৩০০আর। অ্যাক্সেস কন্ট্রোলার জন্য রয়েছে মাল্টিপল এসএসআইডি, ব্যান্ডউইডথ কন্ট্রোলার জন্য রয়েছে কিউওএস এবং নিরাপত্তার জন্য রয়েছে উন্নত প্রযুক্তির ডব্লিউপিএ/ডব্লিউপি২। দাম ২,১০০ টাকা। যোগাযোগ : ০১৯৭৭৪৬৫৪৬

মার্কেটাইল ব্যাংকের ইউটিলিটি বিল পেমেন্ট সেবা চালু

মার্কেটাইল ব্যাংক লিমিটেড ও পেমেন্ট সেবাদাতা প্রতিষ্ঠান এসএসএল ওয়্যারলেস (সফটওয়্যার শপ লিমিটেড) গ্রাহকদের আরও উন্নত সেবা দেয়ার লক্ষ্যে সম্প্রতি একটি চুক্তি স্বাক্ষর করেছে। মার্কেটাইল ব্যাংকের প্রধান কার্যালয়ে 'মাল্টি চ্যানেল ইউটিলিটি বিল পেমেন্ট সার্ভিস' শীর্ষক এই চুক্তি স্বাক্ষর অনুষ্ঠানে মার্কেটাইল ব্যাংকের পক্ষে উপস্থিত ছিলেন প্রধান নির্বাহী কর্মকর্তা ও ব্যবস্থাপনা পরিচালক কাজী মসিহুর রহমান, অতিরিক্ত ব্যবস্থাপনা পরিচালক মনিন্দ্র কুমার নাথ, এক্সিকিউটিভ ভাইস প্রেসিডেন্ট এবং হেড অব ইনফরমেশন টেকনোলজি একেএম আতিকুর রহমান। অনুষ্ঠানে এসএসএল ওয়্যারলেসের পক্ষে উপস্থিত ছিলেন ব্যবস্থাপনা পরিচালক সাইফুল ইসলাম, মহাব্যবস্থাপক আশীষ চক্রবর্তীসহ উর্ধ্বতন কর্মকর্তারা



দেশে আনুষ্ঠানিক যাত্রা শুরু করল 'উই' মোবাইল

মোবাইল ফোন ব্যবহারকারীদের জন্য স্মার্ট সলিউশন সার্ভিস 'উই' আনল দেশের শীর্ষস্থানীয় ব্যবসায়িক প্রতিষ্ঠান আমরা কোম্পানি। সম্প্রতি রাজধানীর প্যান প্যাসিফিক সোনারগাঁও হোটেলে 'উই'য়ের আনুষ্ঠানিক উদ্বোধন করে প্রতিষ্ঠানটি। উই স্মার্টফোন ব্যবহারকারীদের জন্য ডিজিটাল প্যাকেজ নিয়ে এসেছে 'আমরা' কোম্পানি। প্যাকেজের মধ্যে আছে ১০০ গিগাবাইট পর্যন্ত ক্লাউড স্টোরেজ এবং দেশব্যাপী ৫শ'র বেশি জায়গায় বিনামূল্যে ওয়াইফাই ইন্টারনেট সুবিধা। উল্লেখ্য, চলতি বছরের মধ্যে দেশব্যাপী দেড় হাজারেরও



বেশি জায়গায় বিনামূল্যে ওয়াইফাই ইন্টারনেট সুবিধা পাওয়া যাবে। দেশে প্রতিনিয়ত স্মার্টফোন ব্যবহারকারীর সংখ্যা যে হারে বাড়ছে, তার সাথে মিল রেখে ক্লাউড স্টোরেজ ও বিনামূল্যে ওয়াইফাই ইন্টারনেট ব্যবহারের সুবিধা সংবলিত 'উই' স্মার্টফোন সাস্রয়ী মূল্যে বাজারে পাওয়া যাবে। এ বিষয়টি মাথায় রেখেই নিজেদের শ্লোগান 'মোর দ্যান আ ফোন' নিয়ে পথচলা শুরু করল 'উই'। 'উই'য়ের সার্ভিস প্যাকেজ আপাতত ঢাকার পাঁচটি ব্র্যান্ড আউটলেটসহ সারাদেশের ১০০০টি রিটেইল আউটলেট থেকে কিনতে পারবেন ক্রেতারা

পিবাজার ডটকমের নতুন অ্যাপ উন্মোচন

সম্প্রতি দেশের সবচেয়ে বড় প্রপার্টির মার্কেটপ্লেস পিবাজার ডটকম তাদের নতুন অ্যাপ বাজারে ছেড়েছে। এটি এখন গুগল প্লে-স্টোরে বিনামূল্যে পাওয়া যাচ্ছে। এই অ্যাপটি ব্যবহার করে আপনি খুব সহজেই আপনার পছন্দমতো বাড়ি, জমি কিংবা অফিস স্পেস কেনাবেচার অথবা ভাড়ার খোঁজ-খবর জানতে পারবেন। পিবাজার ডটকমের নির্বাহী প্রধান মোহাম্মদ শাহীন জানান, দেশের ইন্টারনেট ব্যবহারকারীর সংখ্যা দিন দিন বেড়ে চলেছে। আর এর শতকরা ৯৫ ভাগই হচ্ছে মোবাইল ইন্টারনেট ব্যবহারকারী। তাদের কথা চিন্তা করেই পিবাজার ডটকম এর নতুন অ্যাপ নিয়ে এসেছে। এখানে একজন প্রপার্টি বিক্রেতা খুব সহজে শুধু ড্রপডাউন মেনু সিলেক্ট করেই ছবিসহ প্রপার্টির বিস্তারিত তুলে ধরে বিক্রি করে দিতে পারেন অথবা ভাড়াও দিতে পারেন। অন্যদিকে একজন ক্রেতা কিংবা ভাড়াটিয়া তার পছন্দমতো বিভিন্ন ক্রাইটেরিয়া সেট করে খুঁজে নিতে পারেন পছন্দের বাসা কিংবা অফিসটি। মাত্র ২.২ মেগাবাইটের এই অ্যাপটি ডাউনলোড করতে ভিজিট করুন https://goo.gl/7vohC2_A_ev

মহেশখালী দ্বীপকে ডিজিটাল করার উদ্যোগ

কক্সবাজার জেলার মহেশখালীকে ডিজিটাল করার উদ্যোগ নেয়া হয়েছে। সেখানকার বাসিন্দাদের জীবন ও জীবিকার উন্নয়নের লক্ষ্যে 'কনভার্টেড মহেশখালী ইনটু ডিজিটাল আইল্যান্ড' শীর্ষক প্রকল্প গ্রহণ করেছে আইসিটি বিভাগ। প্রত্যন্ত এলাকায় এই প্রকল্পের গুরুত্ব অনুধাবন করে তা বাস্তবায়নে এগিয়ে এসেছে কোরিয়ার টেলিকম জায়ন্ট কোরিয়ান টেলিকম (কেটি) ও ইন্টারন্যাশনাল অর্গানাইজেশন অব মাইগ্রেশন (আইওএম)। সম্প্রতি আইসিটি প্রতিমন্ত্রী জুনাইদ আহমেদ পলকের উপস্থিতিতে স্পেনের বার্সেলোনা ওয়ার্ল্ড মোবাইল কংগ্রেস-২০১৬-এ আইসিটি বিভাগ, কেটি ও আইওএমের মধ্যে উক্ত প্রকল্প বাস্তবায়নের লক্ষ্যে ত্রিপক্ষীয় চুক্তি স্বাক্ষরিত হয়

মোবাইল ওয়ার্ল্ড কংগ্রেসে রিভ সিস্টেমসের 'নাম্বার পোর্টেবিলিটি' প্রদর্শন

'নাম্বার পোর্টেবিলিটি' তথা মোবাইল নাম্বার টিক রেখেই অপারেটর পরিবর্তনের সহায়ক প্রযুক্তি নিয়ে এসেছে বাংলাদেশ বহুজাতিক প্রতিষ্ঠান রিভ সিস্টেমস। আন্তর্জাতিক টেলিযোগাযোগ খাতের সবচেয়ে বড় প্রদর্শনী মোবাইল ওয়ার্ল্ড কংগ্রেস (এমডব্লিউসি) ২০১৬ আসরে প্রদর্শিত এ নাম্বার পোর্টেবিলিটি সহায়ক ইতোমধ্যে ব্যবহার শুরু হয়েছে ব্রাজিলে।

গত ২২ ফেব্রুয়ারি থেকে স্পেনের বার্সেলোনায় অনুষ্ঠিত হওয়া চার দিনের প্রযুক্তি মেলায় বাংলাদেশের রিভ সিস্টেমসের নিজস্ব প্যাভিলিয়ন পরিদর্শন করেন ডাক ও টেলিযোগাযোগ প্রতিমন্ত্রী

গ্লোবাল সেলস রায়হান হোসেন।

প্রতিষ্ঠান সূত্রে জানা গেছে, নাম্বার পোর্টেবিলিটির সহায়কের পাশাপাশি এমডব্লিউসিতে রিভ সিস্টেমস প্রদর্শিত অন্যান্য পণ্য ও সেবার মাঝে উল্লেখযোগ্য 'আইটেল মোবাইল ডায়ালার' ও 'আইটেল সুইচ'।

আইপি কমিউনিকেশনের অন্যতম জনপ্রিয় মাধ্যম আইটেল মোবাইল ডায়ালারে রয়েছে অডিও কলের পাশাপাশি এসএমএস, গ্রুপ চ্যাট, ফাইল শেয়ারিং ও ভিডিও কলসহ মোবাইল টপআপের সুবিধা। অন্যদিকে ক্যারিয়ার গ্রেড আইটেল সুইচে রয়েছে উন্নত রাউটিং ফ্যাসিলিটি,



মোবাইল ওয়ার্ল্ড কংগ্রেসে রিভ সিস্টেমসের স্টলে অন্যান্যের মাঝে আইসিটি প্রতিমন্ত্রী জুনাইদ আহমেদ পলক

তারানা হালিম, আইসিটি প্রতিমন্ত্রী জুনাইদ আহমেদ পলক, ডাক, টেলিযোগাযোগ এবং তথ্য ও যোগাযোগ প্রযুক্তি মন্ত্রণালয় সংক্রান্ত সংসদীয় স্থায়ী কমিটির চেয়ারম্যান ইমরান আহমেদ, বাংলাদেশ টেলিযোগাযোগ নিয়ন্ত্রণ কমিশনের (বিটিআরসি) চেয়ারম্যান ড. শাহজাহান মাহমুদ, বাংলাদেশ টেলিযোগাযোগ কোম্পানি লিমিটেডের (বিটিসিএল) ব্যবস্থাপনা পরিচালক গোলাম ফখরুদ্দিন আহমেদ চৌধুরী এবং প্রধানমন্ত্রীর কার্যালয়ের অ্যাকসেস টু ইনফরমেশন (এটুআই) প্রোগ্রামের তথ্যপ্রযুক্তি ব্যবস্থাপক মোহাম্মদ আরফে এলাহী ও আন্তর্জাতিক প্রযুক্তি খাতের ব্যক্তিবর্গ।

বিভিন্ন পণ্য ও সেবা পর্যবেক্ষণ শেষে অতিথিরা প্রযুক্তি শিল্পের বিকাশে রিভের ভূমিকা নিয়ে মতবিনিময় করেন রিভ সিস্টেমসের প্রতিষ্ঠাতা ও গ্রুপ সিইও এম রেজাউল হাসানের সাথে। এসময় তার সাথে উপস্থিত ছিলেন রিভের হেড অব

ইনস্ট্যান্ট হোলসেল ও পিনলেস কলিং কার্ডসহ অ্যাডভান্সড সিকিউরিটি সুবিধা।

এমডব্লিউসিতে অংশ নেয়া প্রসঙ্গে রিভ সিস্টেমসের গ্রুপ সিইও এম রেজাউল হাসান বলেন, 'টেলিযোগাযোগ খাতের নেতৃস্থানীয়দের অংশগ্রহণে এ সম্মেলন শুধু আঞ্চলিক নয়, গুরুত্বপূর্ণ প্রভাব বিস্তার করবে আন্তর্জাতিক টেলিকমিউনিকেশন সেক্টরেও।

১৯৮৭ সালে শুরু হওয়া বিশ্বের মোবাইল অপারেটরদের সংগঠন 'জিএসএমএ' আয়োজিত মোবাইল ওয়ার্ল্ড কংগ্রেসের এবারের আসরে টানা অষ্টমবারের মতো অংশ নিল রিভ সিস্টেমস। ৭৮টি দেশের ২৬শ'র বেশি টেলিকম সার্ভিস প্রোভাইডারকে সেবা দেয়া বাংলাদেশ এ বহুজাতিক প্রতিষ্ঠানের প্রধান কার্যালয় সিঙ্গাপুরে এবং গবেষণা ও উন্নয়ন কেন্দ্র বাংলাদেশ ও ভারতে। এছাড়া রিভের উপস্থিতি রয়েছে রাশিয়া, যুক্তরাষ্ট্র, হংকং, যুক্তরাজ্য, লেবানন ও কেনিয়ায়।

সাফারার নিট্রো গ্রাফিক্স কার্ড

সাফারার ব্র্যান্ডের নিট্রো সিরিজের আর৯ ৩৯০ ও আর৯ ৩৮০ মডেলের গ্রাফিক্স কার্ড বাজারজাত করছে ইউসিসি। এই কার্ডগুলোর অন্যতম বৈশিষ্ট্য হলো কার্ডগুলো সর্বাধুনিক জিডিডিআর৫ মেমরি স্পিডের

সর্বাধিক ৮ জিবি আকারে পাওয়া যাবে। আর৯ ৩৯০ গ্রাফিক্স কার্ডটি ট্রাই এক্স অর্থাৎ তিনটি ফ্যানসমৃদ্ধ। এতে ২৮এনএম ডিপিএসটির তৈরি ও সর্বোচ্চ ২৮১৬ স্ট্রিম প্রসেসরযুক্ত রয়েছে। যার ইঞ্জিন রুকস্পিড ৯৮৫ মেগাহার্টজ। যোগাযোগ : ০১৮৩৩৩৩১৬০১

ক্যানন ইঙ্কজেট সিএনজি কালার প্রিন্টার



সাশ্রয়ী মূল্যে প্রিন্ট সুবিধা দিতে ক্রেতাসাধারণের জন্য বাংলাদেশে ক্যানন সিস্টেম

পণ্যের পরিবেশক জেএএন অ্যাসোসিয়েটস এনেছে ক্যানন পিক্সমা জি১০০০ সিএনজি ইঙ্কজেট কালার প্রিন্টার। বাজারে থাকা অন্যান্য সিএনজি ইঙ্কজেট প্রিন্টারের সাথে এই প্রিন্টারের প্রধান পার্থক্য হলো- এই প্রিন্টারের ইঙ্ক ট্যাক থাকে সম্পূর্ণ ভেতরে। ফলে প্রিন্টারকে দেখা যায় আরও স্মার্ট। এই প্রিন্টারের কালো কার্ট্রিজ ও কালার কার্ট্রিজের দাম ৮০০ টাকা, যা দিয়ে ৬ হাজার পৃষ্ঠা সাদা-কালো ও ৭ হাজার কালার পৃষ্ঠা প্রিন্ট করা যাবে। প্রিন্টারটির বৈশিষ্ট্য হলো ৪৮০০ বাই ১২০০ ডিপিআই রেজুলেশন, প্রিন্ট স্পিড ৫.০ আইপিএম কালার ও ৮.৮ আইপিএম সাদা-কালো। চারটি ইঙ্ক ট্যাক সংবলিত এই প্রিন্টারের দাম ১২,০০০ টাকা। প্রিন্টারটি পাওয়া যাচ্ছে জেএএন অ্যাসোসিয়েটসের সব ব্রাঞ্চ ও আউটলেটে। যোগাযোগ : ৯৬৬০৬০১

বিদেশি বিনিয়োগ পেল বিডিক্যাবস

এশিয়ান ইনফরমেশন টেকনোলজি লিমিটেড (এআইটিএল) ২০১৫ সালের ফেব্রুয়ারিতে ডিজিটাল ওয়ার্ল্ড মেলায় 'বিডিক্যাবস' অ্যাপ ও ওয়েবভিত্তিক ট্যাক্সিসেবা উদ্বোধন করে, যা যাত্রী ও ক্যাবচালকের মধ্যে দ্রুত সংযোগ স্থাপন করে দেয়। 'বিডিক্যাবস' বাংলাদেশে তমা ট্যাক্সি ছাড়া আরও কিছু ক্যাব সার্ভিস পরিচালনাকারী প্রতিষ্ঠানের সাথে কাজ করে যাচ্ছে। গত বছর বিডিক্যাবস স্টার্টআপ ইন্সট্রুমেন্ট ২০১৫ প্রতিযোগিতায় অংশ নেয় এবং এশিয়া ও ইউরোপের বাছাইকৃত ১০০ স্টার্টআপ প্রতিষ্ঠানের মধ্যে শীর্ষ পাঁচে জায়গা করে নিয়ে পুরস্কৃত হয় এবং বিদেশি বিনিয়োগকারীদের নজরে আসে। গত তিন মাস ধরে 'এতোহাম' নামে তুর্কির বিনিয়োগকারী প্রতিষ্ঠান বিডিক্যাবসের কার্যক্রম পর্যবেক্ষণ করছে এবং বিডিক্যাবসের বর্তমান বাজারমূল্য ৫০.৭০ কোটি (৬.৫ মিলিয়ন ডলার) নির্ধারণ করে বিডিক্যাবসে বিনিয়োগের বিষয়ে আনুষ্ঠানিক ঘোষণা দেয় এবং এআইটিএলের সাথে এ সংক্রান্ত একটি চুক্তি সই করে। বিনিয়োগের অর্থ পর্যায়ক্রমে পঞ্চাশ হাজার গাড়ি বিডিক্যাবসের আওতায় আনার লক্ষ্যে ব্যয় করা হবে

এক বছরে গ্রামীণফোনের আয় ১০৪৮০ কোটি টাকা

দেশের শীর্ষ মোবাইল ফোন অপারেটর গ্রামীণফোন ২০১৫ সালে ১০৪৮০ কোটি টাকা রাজস্ব আয় করেছে, যা পূর্ববর্তী বছরের তুলনায় ২ শতাংশ বেশি। নতুন গ্রাহক এবং সেবা থেকে অর্জিত রাজস্ব বেড়েছে ২.৪ শতাংশ। ডাটা রাজস্বের ৬৬ শতাংশ ও মূল্য সংযোজিত সেবার রাজস্ব ৩১ শতাংশ বাড়ায় এই প্রবৃদ্ধি এসেছে। ডাটা গ্রাহকের সংখ্যা ৪৫ শতাংশ বেড়ে ১ কোটি ৫৭ লাখ হয়েছে এবং ডাটা ব্যবহারের পরিমাণ গত বছরের তুলনায় প্রায় তিনগুণ বেড়েছে।

ইন্টেল সিকিউরিটিতে ব্যাকপ্যাক ফ্রি

বিশ্বের বৃহত্তম অ্যান্টিভাইরাস ব্র্যান্ড ইন্টেল সিকিউরিটি তাদের তিন বছর মেয়াদের পণ্যের সাথে বিশেষ প্রমোশন ঘোষণা করেছে। ২০ ফেব্রুয়ারি থেকে ৩১ মার্চ পর্যন্ত চলমান এ প্রমোশনে গ্রাহকেরা ম্যাকাফি ইন্টারনেট সিকিউরিটি তিন বছর ও ম্যাকাফি টোটাল প্রটেকশন তিন বছর এই দুটি পণ্যের সাথে ইন্টেল সিকিউরিটি ব্যাকপ্যাক ফ্রি পাবেন। বাংলাদেশে ইন্টেল সিকিউরিটির পরিবেশক কমপিউটার ভিলেজের শোকুমগুণ্ডো ছাড়াও দেশের সব আইটি মার্কেটে এই পণ্য পাওয়া যাবে। উল্লেখ্য, ইন্টেল কর্পোরেশন ২০১১ সালে বিশ্বের বৃহত্তম সিকিউরিটি সফটওয়্যার ব্র্যান্ড ম্যাকাফিকে কিনে নেয় এবং ব্যাকপ্যাক গুণগত উৎকর্ষ সাধনের পর ২০১৪ সাল থেকে ইন্টেল সিকিউরিটি নামে বাজারজাত করেছে। যোগাযোগ : ০১৭১৩২৪০৭৩

আইসিটি প্রশিক্ষণে বৃত্তি

৩০০ বেকার যুবক ও নারীকে আইসিটি প্রশিক্ষণ দেবে চাকরির ওয়েবসাইট জবসবিডি ডটকম ও ড্যাফোডিল ফাউন্ডেশন। প্রশিক্ষণের মোট খরচের ৭০ শতাংশ বহন করবে ড্যাফোডিল ফাউন্ডেশন। জবসবিডি ডটকম এবং ড্যাফোডিল ফাউন্ডেশন পঞ্চমবারের মতো এই বিশেষ বৃত্তি ঘোষণা করেছে। সিসিএনএ, ওয়েব ডিজাইন অ্যান্ড ডেভেলপমেন্ট, অ্যাডভান্স মাইক্রোসফট এক্সেল, অনলাইন আউটসোর্সিং, সার্চ ইঞ্জিন অপটিমাইজেশন, লিনআক্স, কমপিউটার হার্ডওয়্যার অ্যান্ড নেটওয়ার্কিং, গ্রাফিক্স ডিজাইন, ওয়েব অ্যাপ্লিকেশন এবং মোবাইল অ্যাপস ডেভেলপমেন্টে প্রশিক্ষণ দেয়া হবে। বৃত্তির জন্য আবেদনপত্র সংগ্রহ শুরু হয়েছে। জমা দেয়ার শেষ তারিখ ৬ মার্চ। ভর্তি কার্যক্রম চলবে ১০ মার্চ পর্যন্ত

চট্টগ্রামে স্যামসাংয়ের সার্ভিস সেন্টার

বন্দরনগরী চট্টগ্রামে চালু হলো স্যামসাং ইলেকট্রনিক্স বাংলাদেশের দ্বিতীয় কাস্টমার সার্ভিস সেন্টার। এখান থেকে গ্রাহকেরা স্যামসাংয়ের সব ধরনের পণ্যের বিক্রয়ান্তর সেবা পাবেন। সম্প্রতি স্যামসাং ইলেকট্রনিক্স বাংলাদেশের ব্যবস্থাপনা পরিচালক স্যাংওয়ান ইউন সার্ভিস সেন্টারটি উদ্বোধন করেন। এ সময় উপস্থিত ছিলেন স্যামসাংয়ের হেড অব কাস্টমার সার্ভিস তানভির শাহেদ, হেড অব মোবাইল ডিভাইস হাসান মেহদী, স্মার্ট টেকনোলজি লিমিটেডের ব্যবস্থাপনা পরিচালক জাহিরুল ইসলাম, এফডিএলের ব্যবস্থাপনা পরিচালক রুহুল আলম আল মাহবুব, এক্সেল টেলিকমের প্রধান নির্বাহী সৈয়দ সায়েদিস সাকলায়েন প্রমুখ। চট্টগ্রামের লালখান বাজারের ইয়াহইয়া টাওয়ারের দ্বিতীয় তলায় সপ্তাহে ছয় দিন এ সার্ভিস সেন্টারটি খোলা থাকবে



পিকো প্রজেক্টরসহ লেনোভো ইয়োগা ট্যাব ২ প্রো বাজারে



গ্লোবাল ব্র্যান্ড বাজারে নিয়ে এলো নতুন ইয়োগা ট্যাব ২ প্রো। ইয়োগা ট্যাব ২ প্রোর সাবউফারসহ জেবিএল স্পিকার স্পষ্ট ও জোরালো অডিও শোনার অনুভূতি দেয় এবং ১৩.৩ ইঞ্চি (২৫৬০ বাই ১৪৪০) কিউএইচডি আইপিএস ডিসপ্লে দেয় অসাধারণ ভিডিও দেখার অভিজ্ঞতা। ১.৮৬ গিগাহার্টজ গতিসম্পন্ন এই আইডিয়াপ্যাডে রয়েছে ইন্টেল অ্যাটিম জেড৩৭৪৫ ৪ কোর প্রসেসর, ২ জিবি র‍্যাম, ৩২ জিবি স্টোরেজ, অ্যান্ড্রয়ড কিটকেট, ৮ মেগাপিক্সেল ব্যাক ক্যামেরা এবং ১.৬ মেগাপিক্সেল ফ্রন্ট ক্যামেরা। এক বছর ওয়ারেন্টিসহ দাম ৬০,৫০০ টাকা। যোগাযোগ : ০১৯৭৭৪৯৬৫০১

অনলাইন ফার্মেসি ওষুধ ডটকম

বিনামূল্যে হোম ডেলিভারি সুবিধাসহ যাত্রা শুরু করেছে অনলাইনে ওষুধ কেনার ওয়েবসাইট ওষুধ ডটকম। নিজেদের প্রয়োজনীয় ওষুধ ওয়েবসাইট থেকে বাছাই ছাড়াও প্রেসক্রিপশনের ছবি আপলোড করে ক্রেতারা এই অনলাইন মাধ্যম ওষুধ ডটকম (osudh.com) থেকে কেনাকাটা করতে পারবেন। ওয়েবসাইট ছাড়াও হটলাইন নম্বরে (০১৬৭১৯৬৮৭৭৭) ফোন করে ২৪ ঘণ্টা ওষুধের অর্ডার করা যাবে। তবে সেগুলো ডেলিভারি চার্জ ছাড়াই বাড়ি পৌঁছে দেবে প্রতিষ্ঠানটি

৫ গিগাহার্টজ ফ্রিকোয়েন্সির ওয়্যারলেস মাউস



বিশ্বখ্যাত রাপার পরিবেশক গ্লোবাল ব্র্যান্ড বাজারে নিয়ে এলো ৫ গিগাহার্টজ ফ্রিকোয়েন্সির ট্রান্সমিশনসম্পন্ন ওয়্যারলেস অপটিক্যাল মাউস। মাউসগুলোতে রয়েছে ১০০০ ডিপিআই রেজুলেশনসম্পন্ন হাই ট্র্যাকিং ইঞ্জিন। মাউসগুলো লো-পাওয়ার কনজাম্পশন টেকনোলজি দিয়ে তৈরি এবং ১০ মিটার দূর থেকে কাজ করতে সক্ষম। মডেল দুটি হলো যথাক্রমে ১০৯০পি এবং ৩১০০পি। ৩১০০পি মডেলের ওয়্যারলেস মাউসটির রয়েছে ১৮ মাস ব্যাটারি লাইফ। দুই বছর ওয়ারেন্টিসহ এই মাউসটির দাম ১৩৫০ টাকা। ১০৯০পি মডেলের ওয়্যারলেস মাউসটির রয়েছে ৯ মাস ব্যাটারি লাইফ। দুই বছর ওয়ারেন্টিসহ মাউসটির দাম ১১০০ টাকা

ব্রাদারের মনোক্রোম লেজার মাল্টিফাংশন প্রিন্টার



গ্লোবাল ব্র্যান্ড বাজারে এনেছে ব্রাদারের নতুন মনোক্রোম লেজার মাল্টিফাংশন প্রিন্টার এমএফসি-এল২৭০০ডিভিউ। ওয়্যারড ও ওয়্যারলেস নেটওয়ার্কসম্পন্ন এই প্রিন্টারটি একাধারে প্রিন্ট, কপি, স্ক্যান ও ফ্যাক্স করতে সক্ষম। প্রিন্টারটি ওয়াইফাই নেটওয়ার্কিং এবং ক্লাউড নেটওয়ার্কিংয়ের মাধ্যমে যেকোনো ডিভাইস থেকে প্রিন্ট করতে সক্ষম। এছাড়া প্রিন্টারটি প্রতি মিনিটে ২৬ পৃষ্ঠা এবং একটি পৃষ্ঠার দুই পাশেই প্রিন্ট করতে পারে। প্রিন্টারটির রয়েছে ৩২ মেগাবাইট মেমরি, ১২০০ বাই ৬০০ ডিপিআই প্রিন্টিং রেজুলেশন, ৬০০ বাই ২৪০০ ডিপিআই স্ক্যান রেজুলেশন এবং ৩৩.৬ কেবিপিএস ফ্যাক্স স্পিড। তিন বছরের ওয়ারেন্টিসহ দাম ১৯,৫০০ টাকা। যোগাযোগ : ০১৯১৫৪৭৬৩০০

স্যামসাং গ্যালাক্সি জে১ নেক্সট বাজারে



স্যামসাং মোবাইল বাংলাদেশ বাজারে নিয়ে এসেছে জে সিরিজের সবশেষ সংস্করণ গ্যালাক্সি জে১ নেক্সট। নতুন এ ডিভাইসটিতে ডুয়াল সিম সুবিধা রয়েছে এবং আকর্ষণীয় দামে পাওয়া যাচ্ছে। এ ডিভাইসের সবচেয়ে আকর্ষণীয় ফিচার হলো এর আন্ড্রা ডাটা সেভিং মোড, যা ৫০ শতাংশ পর্যন্ত ডাটা সাশ্রয় করতে পারে এবং সেই সাথে ১৫০০ অ্যাম্পিয়ার ব্যাটারির কার্যকারিতাও বাড়ায়। নতুন এ হ্যান্ডসেটটি ১০৮০পি ফুল এইচডিতে মাল্টিমিডিয়া এবং গেমিং কনটেন্ট প্রদর্শন করে। এই স্মার্টফোনটিতে রয়েছে অপারেটিং সিস্টেমের সবশেষ সংস্করণ ললিপপ ৫.১.১। ডিভাইসটিতে ১ জিবি র‍্যাম, ১.২ গিগাহার্টজ কোয়াড-কোর প্রসেসর রয়েছে, যা দ্রুত এবং সহজতর কর্মক্ষমতা নিশ্চিত করে। এ ডিভাইসে ৮ জিবি ইন্টারনাল মেমরি রয়েছে, যাতে ১২৮ জিবি পর্যন্ত বাড়তি মেমরি ব্যবহার করা যাবে। এই ডিভাইসটির ৫ মেগাপিক্সেল ক্যামেরার সাথে কুইক লঞ্চ ফিচার এবং এর এফ ২.২ অ্যাপারচার উজ্জ্বল ছবি তুলতে সহায়তা করে। জে১ নেক্সট ডিভাইস ও ব্যাটারির জন্য এক বছর ওয়ারেন্টি থাকছে। এই নতুন স্যামসাং ডিভাইসটির দাম ৬,৯৯০ টাকা

দেশে আসুসের ফোনপ্যাড



গ্লোবাল ব্র্যান্ড এনেছে আসুসের ফোনপ্যাড সিরিজের এফই৩৭৫সিএক্সজি মডেলের নতুন ট্যাবলেট পিসি। এটিতে আছে অ্যান্ড্রয়ড ৪.২.২ কিটকাট অপারেটিং সিস্টেম। ৭ ইঞ্চির মাল্টি-টাচ আইপিএস প্যানেলের এই ট্যাবে রয়েছে ১ জিবি র‍্যাম, ১৬ জিবি ডাটা স্টোরেজ, ডুয়াল ওয়েবক্যাম, ব্লুটুথ ৪.০, সনিকমাস্টার অডিও এবং ডুয়াল সিম ব্যবহারের সুবিধা। দাম ১৮,৫০০ টাকা। যোগাযোগ : ০১৯৭৭৪৯৬৪২২

বাংলাদেশে এসার ব্র্যান্ডের অ্যাড্বাসাডর হলেন বিদ্যা সিনহা মিম

যুক্তরাষ্ট্রে মেগান ফক্স, ভারতে হৃত্তিক রোশনের পর এবার বাংলাদেশে এসার ব্র্যান্ডের অ্যাড্বাসাডর নির্বাচিত হলেন মডেল, অভিনেত্রী ও চিত্রনায়িকা বিদ্যা সিনহা মিম। গত ১১ ফেব্রুয়ারি বেলা ১১টায় ঢাকার সোনারগাঁওয়ের চিত্রা হলে এ বিষয়ে আনুষ্ঠানিকতা সম্পন্ন হয়। এ সময় উপস্থিত ছিলেন অভিনেত্রী বিদ্যা সিনহা মিম, বাংলাদেশে এসারের ডিস্ট্রিবিউটর মেঘনা গ্রুপের এক্সিকিউটিভ টোকনোলজিস লিমিটেডের জেনারেল ম্যানেজার সালমান আলী খান এবং অন্যান্য কর্মকর্তা। চুক্তি স্বাক্ষরের পর উপহার হিসেবে মিমের হাতে একটি এসার ব্র্যান্ডের ল্যাপটপ তুলে দেন সালমান আলী খান।



চুক্তি অনুযায়ী আগামী এক বছর এসার ব্র্যান্ডের অ্যাড্বাসাডর থাকবেন মিম। এই সময় তিনি প্রয়োজনীয় ফটোগ্রাফ, টিভি বিজ্ঞাপনসহ সব ধরনের প্রচারে অংশ নেবেন। আগামী এক বছর তিনি এসার ছাড়া একই ধরনের অন্য কোনো প্রতিষ্ঠান বা পণ্যের প্রতিনিধিত্ব করবেন না। সালমান আলী খান বলেন, 'এসার তারুণ্যের ব্র্যান্ড। আর তারুণ্যের বিবেচনায় সময়ের জনপ্রিয় নাম বিদ্যা সিনহা মিম। অভিনয় এবং মডেলিং- দুই অঙ্গনেই তিনি সাফল্যের পরিচয় দিয়েছেন। তাই তাকেই আমাদের প্রতিনিধি নির্বাচন করা হয়েছে।' এ প্রসঙ্গে মিম বলেন, 'এসার একটি বিখ্যাত ব্র্যান্ড। বিশ্বের জনপ্রিয় তারাকারা এই ব্র্যান্ডের অ্যাড্বাসাডর হয়েছেন। আমার খুবই ভালো লাগছে এসারের মতো একটি স্বনামধন্য ব্র্যান্ডের অ্যাড্বাসাডর হতে পেরে। আমি সত্যিই আনন্দিত। প্রযুক্তিনির্ভর এই সময় মানুষের প্রাত্যহিক জীবনে এসার আরও স্বাচ্ছন্দ্য এনে দেবে বলেই আমার বিশ্বাস'

ডেলের পঞ্চম প্রজন্মের ল্যাপটপ বাজারে

গ্লোবাল ব্র্যান্ড দেশে এনেছে ডেলের পঞ্চম প্রজন্মের ল্যাপটপ ভোস্ট্রি ৩৪৫৮। ২.২০ গিগাহার্টজসম্পন্ন এই ল্যাপটপটিতে রয়েছে পঞ্চম প্রজন্মের ইন্টেল কোরআই৫ প্রসেসর, ৪ জিবি ডিডিআর৩ রাম, ৫০০ জিবি হার্ডডিস্ক, ১৪.১ ইঞ্চি এলইডি ডিসপ্লে, ডিভিডি রাইটার, ইন্টেল এইচডি গ্রাফিক্স ৫৫০০ এবং ইন্টিগ্রেটেড ওয়াইডব্যান্ড এইচডি ওয়েবক্যাম, ইথারনেট ল্যান জ্যাক, ওয়্যারলেস (৮০০২.১১এসি) এবং ব্লুটুথ। ৪ সেল রিমুভেবল ব্যাটারিসহ ওজন ১.৯৪ কেজি। তিন বছরের ওয়ারেন্টিসহ এর দাম ৪৯,৩০০ টাকা।



প্লে গ্রুপের শিশুদের জন্য বিজয় শিশু শিক্ষা প্রকাশ

বিজয় ডিজিটাল বাংলা ভাষাভাষী শিশুদের জীবনের প্রথম পাঠ হিসেবে বিজয় শিশু শিক্ষা প্রকাশ করেছে। বিজয় শিশু শিক্ষায় রয়েছে বাংলা ও ইংরেজি বর্ণমালা, বাংলা ও ইংরেজি সংখ্যা, বিভিন্ন প্রজাতির পাখি, মাছ, জীবজন্তু ও ফুল। ইন্টারেক্টিভ মাল্টিমিডিয়া পদ্ধতিতে তৈরি এই সফটওয়্যারটি বিজয়ের শিক্ষার ডিজিটাল রূপান্তর সিরিজের সবশেষ প্রকাশনা। ইতোমধ্যেই বিজয় ডিজিটাল থেকে বিজয় শিশু শিক্ষা-১, বাংলা, গণিত ও ইংরেজি। বিজয় শিশু শিক্ষা-২, বাংলা, ইংরেজি ও গণিত। বিজয় প্রাথমিক শিক্ষা-১, বাংলা, ইংরেজি ও গণিত। বিজয় প্রাথমিক শিক্ষা-



২, বাংলা, ইংরেজি ও গণিত বিষয়ক সফটওয়্যার প্রকাশ করেছে। এসব সফটওয়্যার দেশের হাজার হাজার শিক্ষার্থীর পাঠ্য উপকরণ হিসেবে ব্যবহার হচ্ছে। এসব সফটওয়্যার দিয়ে শত শত স্কুলের ক্লাসরুম ডিজিটাল করা হচ্ছে। নেত্রকোনা জেলার পূর্বধলার আরবান একাডেমির প্রথম শ্রেণির সব শিক্ষার্থীকে প্রাথমিক কমপিউটার শিক্ষা-১ সফটওয়্যারসহ মিনি ল্যাপটপ দেয়া হয়েছে। বিজয় ডিজিটাল প্রাক প্রাথমিক শিক্ষা নামে আরও একটি সফটওয়্যারের উন্নয়ন করছে। বিজয় শিশু শিক্ষা সফটওয়্যারটি একুশের বইমেলায় ৬২৫ নম্বর স্টল ছাড়াও বিসিএস কমপিউটার সিটি এবং বিসিএস ল্যাপটপ বাজারে পাওয়া যায়। যোগাযোগ : ৭১৯৪০০২

পান্ডা গালা নাইট প্রোগ্রাম অনুষ্ঠিত

কক্সবাজারের একটি অভিজাত হোটেলে গত ৭, ৮ ও ৯ ফেব্রুয়ারি জাঁকজমকপূর্ণভাবে অনুষ্ঠিত হলো বিশ্বখ্যাত স্প্যানিশ ব্র্যান্ড পান্ডা অ্যান্টিভাইরাসের 'পান্ডা গালা নাইট' প্রোগ্রাম। পান্ডা অ্যান্টিভাইরাসের অনুমোদিত পরিবেশক গ্লোবাল ব্র্যান্ড আয়োজন করে এই প্রোগ্রামের। অনুষ্ঠানের মূল আকর্ষণ ছিল পান্ডা



সিকিউরিটির ব্র্যান্ড অ্যাড্বাসাডর এবং জনপ্রিয় মডেল-অভিনেত্রী নায়লা নাস্টমের অসাধারণ ড্যান্স পারফরম্যান্স। প্রোগ্রাম ছাড়াও তিন দিনব্যাপী এই আয়োজনে আরও ছিল বারবি কিউ পার্টি, বিচ ফুটবল, ডিজে শো এবং নায়লা নাস্টমের সাথে সেলফি তোলার সুযোগ। এই অনুষ্ঠানের মধ্য দিয়েই উন্মোচন করা হয় 'পান্ডা কুল অফার' শীর্ষক প্রমোশনের বিজয়ীদের নাম। ২০১৫ সালে 'পান্ডা কুল অফার' শীর্ষক একটি সেলস অফারের আয়োজন করে পান্ডা অ্যান্টিভাইরাসের অনুমোদিত পরিবেশক গ্লোবাল ব্র্যান্ড প্রাইভেট লিমিটেড। এই অফারের আওতায় সেলস টার্গেট পূরণ করা প্রতিষ্ঠানগুলো জিতে নেয় 'ব্র্যান্ড নিউ কার' এবং 'মোটরবাইক'। অনুষ্ঠানের মাধ্যমে বিজয়ীদের হাতে পুরস্কার তুলে দেন পান্ডার প্রোডাক্ট ম্যানেজার গোলাম মুর্তজা আজিম, গ্লোবাল ব্র্যান্ডের হেড অব চ্যানেল সেলস সমীর কুমার দাস এবং পান্ডার ব্র্যান্ড অ্যাড্বাসাডর মডেল-অভিনেত্রী নায়লা নাস্টম।

এই সেলস প্রমোশনের ধারাবাহিকতায় নেট স্টার প্রাইভেট লিমিটেড ও জলিল কমপিউটার জিতে নেয় ব্র্যান্ড নিউ কার। এছাড়া ব্র্যান্ড নিউ মোটরবাইক জিতে নেয় ওয়ান স্টপ সার্ভিস অ্যান্ড সলিউশন, উইন্সটেড ইন্টারন্যাশনাল, হাই ফাই কমপিউটার, চিপ টেকনোলজি, এবসল্যুট আইটি, সুমন কমপিউটার, কাজী ব্রাদার্স ও বি অ্যান্ড ভি আইটি বাজার।

রেডহ্যাট ভার্সুয়ালাইজেশন কোর্সে ভর্তি

আইবিসিএস-প্রাইমেঙ্গে রেডহ্যাট লিনআক্সের ভার্সুয়ালাইজেশন কোর্সে শুরু ও শনিবারের ব্যাচে ভর্তি চলছে। ৩২ ঘণ্টার কোর্সে অভিজ্ঞ প্রশিক্ষক দিয়ে প্রশিক্ষণ দেয়া হবে। কোর্স শেষে রেডহ্যাট কর্তৃক সার্টিফিকেট দেয়া হবে। যোগাযোগ : ০১৭১৩৩৯৭৫৬৭-৮

লেনোভোর নতুন মাল্টিমিডিয়া ল্যাপটপ



গ্লোবাল ব্র্যান্ড দেশে এনেছে মাল্টিমিডিয়া সিরিজের নতুন 'জেড৫১৭০' মডেলের ল্যাপটপ। ইন্টেল রিয়েল সেন্স প্রিডি ওয়েবক্যাম প্রযুক্তি ব্যবহারকারীকে গেসচার কন্ট্রোলার মাধ্যমে অনেক ধরনের গেম ও অ্যাপ্লিকেশন চালানায় সহায়তা করে এবং প্রিডি মোডে চেহারাকে স্ক্যান করার অসাধারণ অনুভূতি দিয়ে থাকে। অসাধারণ অডিওর জন্য রয়েছে জেবিএল স্পিকার এবং ডলবি হোম থিয়েটার। পঞ্চম প্রজন্মের ইন্টেল কোরআই৭ প্রসেসরসমৃদ্ধ এই ল্যাপটপে রয়েছে ১ টেরাবাইট হার্ডডিস্ক, ৮ জিবি এসএসএইচডি, ৮ জিবি ডিডিআর৩ রাম, ৪ জিবি এএমডি রাডেওন আর ৯ গ্রাফিক্স এবং ১৫.৬ ইঞ্চি ফুল এইচডি ডিসপ্লে। রয়েছে জেনুইন উইন্ডোজ ৮.১ ভার্সন, ৮০২.১১এসি ওয়াইফাই, ব্যাকলিট কিবোর্ড, ৪ সেল ব্যাটারি। এক বছর ইন্টারন্যাশনাল ওয়ারেন্টিসহ দাম ৮২,৫০০ টাকা। এছাড়া কোরআই৫ প্রসেসরসমৃদ্ধ ল্যাপটপের দাম ৭২,৮০০ টাকা। যোগাযোগ : ০১৯৭৭৪৬৫০১

আসুসের ১০০ সিরিজের গেমিং মাদারবোর্ড

কমপিউটারের পারফরম্যান্স ও গেমারদের চাহিদার দিকে লক্ষ রেখে আসুসের ১০০ সিরিজের গেমিং মাদারবোর্ড নিয়ে এসেছে গ্লোবাল ব্র্যান্ড। এর মডেলগুলো যথাক্রমে ম্যাক্সিমাস-৮-রেঞ্জার, জেড-



১৭০-প্রো-গেমিং, বি-১৫০-প্রো-গেমিং-ডিম্বি এবং এইচ-১৭০-প্রো-গেমিং। ১০০ সিরিজের মাদারবোর্ডে ইন্টেল ১১৫১ সকেটের আসন্ন ষষ্ঠ প্রজন্মের ইন্টেল

কোরআই ৭/৫/৩/পেন্টিয়াম/সেলেরন প্রভৃতি প্রসেসর সমর্থন করে। অত্যাধুনিক টেকনোলজির সমন্বয়ে তৈরি চিপসেটগুলো সর্বোচ্চ ব্যান্ডউইডথ ও ফ্লেক্সিবিলিটি নিশ্চিত করে। ১০০ সিরিজে ব্যবহৃত ইন্টেল ইথারনেট, ল্যানগার্ড ও গেমফাস্ট টেকনোলজি গেমিং পারফরম্যান্সে কোনো বাধা ছাড়াই দীর্ঘস্থায়ী সংযোগের নিশ্চয়তা দেয়। দাম যথাক্রমে ২১০০০, ১৮০০০, ১২০০০, ১৫০০০ টাকা। যোগাযোগ : ০১৭১৩২৫৭৯৩

সীমাহীন স্বাধীনতায় অফিস ৩৬৫

মাইক্রোসফটের অফিস অ্যাপ্লিকেশন সফটওয়্যার অফিস ৩৬৫ ব্যবহারকারীদের দিচ্ছে সীমাহীন স্বাধীনতা। যেকোনো স্থানে বসে থেকে ব্যবহারকারীরা তাদের প্রিয় ডিভাইসের মাধ্যমে প্রায় সব কাজ সম্পন্ন করতে পারবেন। অফিস ৩৬৫ সফটওয়্যারটিতে ১ টেরাবাইট ক্লাউড



স্পেস থাকায় এটি নিজেই একটি অফিস পিসি হিসেবে কাজ করে। এর ফলে পৃথিবীর যেকোনো স্থানে বসে অফিস প্যাকেজের সব ডাটা ব্যবহার করতে পারবেন। এটি উইন্ডোজ এবং ম্যাক দুই মাধ্যমেই ব্যবহারোপযোগী। এই প্যাকেজে থাকছে ওয়ার্ড, এক্সেল, পাওয়ার পয়েন্ট, ওয়ান নোট, আউটলুক, পাবলিশার্স ও অ্যাক্সেস। প্যাকেজটির সিঙ্গেল ইউজারের দাম ৪,৮০০ টাকা এবং ৫ ইউজারের দাম ৬,৮০০ টাকা। যোগাযোগ : ০১৭৭৭৭৩৪১৬৪

এডাটার নতুন মডেলের পাওয়ার ব্যাংক



গ্লোবাল ব্র্যান্ড দেশের বাজারে এনেছে পিভি ১২০ মডেলের নতুন পাওয়ার ব্যাংক। এই পাওয়ার ব্যাংকটির ওজন

১২০ গ্রাম। ২.১ অ্যাম্পিয়ার আউটপুট দিয়ে এটি দ্রুততার সাথে স্মার্টফোন, ট্যাবলেট জাতীয় ডিভাইস রিচার্জ করতে সক্ষম। নিরাপত্তার জন্য রয়েছে ওভার টেম্পারেচার প্রটেকশন, ওভার চার্জিং প্রটেকশন, শর্ট সার্কিট প্রটেকশন এবং ওভার ভোল্টেজ প্রটেকশন। ৫১০০ এমএএইচ ধারণ ক্ষমতাসম্পন্ন এই পাওয়ার ব্যাংকটির দাম ১,৫০০ টাকা। যোগাযোগ : ০১৭১৩২৫৭৯০৪

এএমডি কাভেরি এ৮-৭৬০০ প্রসেসর



ইউসিসি নিয়ে এসেছে এএমডি কাভেরি সিরিজের এপিইউ প্রসেসর এ৮-৭৬০০। এফএম২+

সকেটের মাদারবোর্ডে ব্যবহারোপযোগী এই প্রসেসরটি একটি কোয়ার্টকোর প্রসেসর। ৩.১ গিগাহার্টজ এই প্রসেসরটি টার্বো মোডে ৩.৮ গিগাহার্টজ পর্যন্ত স্পিড পাওয়া যাবে। ৪ এমবি ক্যাশ মেমরির এই প্রসেসরের সাথে রাডেওন আর৭ সিরিজের গ্রাফিক্স ইন্টিগ্রেটেড রয়েছে। প্রসেসরটি চালাতে বিদ্যুৎ খরচ মাত্র ৬৫ ওয়াট। যোগাযোগ : ০১৮৩৩৩৩১৬০১

কমপিউটার সোর্সে বাজেটসাশ্রয়ী এইচপি ল্যাপটপ



মধ্যবিত্তদের জন্য বাজেটসাশ্রয়ী কর্মবান্ধব ল্যাপটপ দেশের বাজারে এনেছে কমপিউটার সোর্স। এইচপি

ব্র্যান্ডের পঞ্চম প্রজন্মের এই ল্যাপটপে রয়েছে ইন্টেল কোরআই৫ প্রসেসর, ৪ জিবি ডিভিআর৩ র‍্যাম ও ১ টেরাবাইট হার্ডডিস্ক। ১৪ ইঞ্চি প্রশস্ত পর্দার সাদা রঙের এইচপি প্যাভিলিয়ন সিরিজের নোটবুকটির দাম ৪৬,০০০ টাকা। যোগাযোগ : ০১৭৩০৭০০০৯৩

ব্রাদার নতুন ওয়্যারলেস লেজার প্রিন্টার



গ্লোবাল ব্র্যান্ড বাজারে নিয়ে এলো বিশ্বখ্যাত ব্রাদার ব্র্যান্ডের ডিসিপি-১৬১০ডব্লিউ ওয়্যারলেস লেজার প্রিন্টার।

এই প্রিন্টারটি লেজার টেকনোলজি প্রয়োগের মাধ্যমে একাধারে প্রিন্ট, কপি ও স্ক্যান করতে সক্ষম। ৩২ মেগাবাইট মেমরির এই প্রিন্টারটি মিনিটে ২০টি প্রিন্ট করতে পারে। এর প্রিন্ট রেজুলেশন ২৪০০ বাই ৬০০ ডিপিআই, স্ক্যানার রেজুলেশন ৬০০ বাই ১২০০ ডিপিআই এবং কপি রেজুলেশন ৬০০ বাই ৬০০ রেজুলেশন। প্রিন্টারটির দাম ১১,৫০০ টাকা। যোগাযোগ : ০১৯১৫৪৭৬৩৩০

লেনোভো ইয়োগা ট্যাব২

গ্লোবাল ব্র্যান্ড বাজারে এনেছে মাল্টিটাসমুদ্র নতুন ইয়োগা ট্যাব২ উইন্ডোজ। এর বিশেষ বৈশিষ্ট্য হলো ওয়্যারলেস কিবোর্ড, যা ব্লুটুথের মাধ্যমে ট্যাবটির সাথে সংযোগিত করা যায়। রয়েছে ১০.১ ইঞ্চি (১৯২০ বাই ১২০০) ফুল এইচডি আইপিএস ডিসপ্লে। এর উদ্ভাবনী



ডিজাইনের ফলে ব্যবহারকারী একাধিক উপায়ে এটি ব্যবহার করতে পারবেন। মোড়গুলো হলো- হোল্ড, টিল্ট, স্ট্যান্ড ও হ্যাঙ্গ। ১.৮৬ গিগাহার্টজ গতিসম্পন্ন এই ট্যাবে রয়েছে ইন্টেল অ্যাটম জেড৩৭৪৫৪ কোর প্রসেসর, ২ জিবি এলপিডিডিআর৩ র‍্যাম, ৩২ জিবি স্টোরেজ, অপারেটিং সিস্টেমের জন্য জেনুইন উইন্ডোজ ৮.১, ৮ মেগাপিক্সেল ব্যাক ক্যামেরা এবং ১.৮ মেগাপিক্সেল ফ্রন্ট ক্যামেরা। এক বছর ওয়ারেন্টিসহ দাম ৪৯,৫০০ টাকা। যোগাযোগ : ০১৯৭৭৭৬৫০১

ভ্রাম্যমাণ সোলারপ্যাক এনেছে কমপিউটার সোর্স

কমপিউটার সোর্স এবার দেশের বাজারে এনেছে নবায়নযোগ্য সৌরশক্তি সুবিধার ভ্রাম্যমাণ 'সোলার প্যাক'। ব্যবহারবান্ধব সোলার পাওয়ার সাপ্লাইটি শুধু বিদ্যুতের বাড়তি খরচই বাঁচায় না, একই সাথে পাওয়ার প্যাকটি পুনঃশক্তি সঞ্চয়ের জন্য 'চার্জ' করতে বিদ্যুৎ থাকা সময় সাপেক্ষে প্রাণহীন করার অতিরিক্ত ঝামেলা থেকেও নিস্তার



দেয়। চাইলেই প্রোলিংক পিএস৮০এম মডেলের এই সোলার প্যাকটি আলোকরশ্মির পাশাপাশি মাইক্রোইউএসবি পোর্টের মাধ্যমেও চার্জ করা যায়। সাথে রয়েছে সহজে বহনযোগ্য আয়তাকার আকারের (৫ বাই ৯ ইঞ্চি) সোলার প্যানেল। আর অন্ধকারকে আলোয় রঙাতে এর সাথে রয়েছে দুটি এলইডি বাল্ব। একবার পূর্ণাঙ্গ চার্জ বাতিটি ১৬ ঘণ্টা পর্যন্ত আলো দেয়। দাম ২,৫০০ টাকা। যোগাযোগ : ০১৭৩০০০০২৭৯

ডুয়াল মোড অপটিক্যাল মাউস নিয়ে এলো রাপু



বিশ্বখ্যাত রাপুর একমাত্র পরিবেশক গ্লোবাল ব্র্যান্ড প্রাইভেট লিমিটেড বাজারে নিয়ে এলো ৬৬১০ মডেলের ডুয়াল মোড অপটিক্যাল মাউস। ২.৪ গিগাহার্টজ গতির ওয়্যারলেস কানেকশনসহ

এতে রয়েছে ব্লুটুথ সংযোগ। এই ডুয়াল মোড সংযোগের মাধ্যমে মাউসটি ১০ মিটার দূর থেকে কাজ করতে সক্ষম। ইনভিভিবল ট্র্যাকিং ইঞ্জিন, ন্যানো রিসিভার, ১০০০ ডিপিআই রেজুলেশন এবং অ্যাক্সেলড মেটাল স্ট্রিপ স্ক্রল হুইলসম্পন্ন মাউসটির রয়েছে ৯ মাস পর্যন্ত ব্যাটারি লাইফ। দুই বছর ওয়ারেন্টিসহ মাউসটির দাম ১৮৫০ টাকা। যোগাযোগ : ০১৯৭৭৭৬৪৯২

নির্ভরযোগ্যতার শীর্ষে আসুস মাদারবোর্ড

দ্বিতীয়বারের মতো বিশ্বের সেরা ও নির্ভরযোগ্যতার খেতাব জিতে নিল আসুস। গত ৭ ডিসেম্বর আসুসকে 'মোস্ট রিল্যায়েবল মাদারবোর্ড ব্র্যান্ড' হিসেবে ঘোষণা করল 'এলএলসি সাবসিডিয়ারি হার্ডওয়্যার এফআর'। হার্ডওয়্যার এফআরের গবেষণা রিপোর্ট অনুযায়ী আসুস মাদারবোর্ডের রিটার্ন রেট ১.৮৯ শতাংশ, যা নামি মাদারবোর্ড ব্র্যান্ডগুলো থেকে সবচেয়ে কম। আসুস বিশ্বের কনজুমার নোটবুক ভেভরদের মধ্যে তৃতীয় এবং আসুস মাদারবোর্ডের বুলিতে রয়েছে সর্বোচ্চ সংখ্যক খেতাব। আসুস মাদারবোর্ড ১০ বছর ধরে নেতৃত্বাধীন অবস্থানে রয়েছে, যার মূল কারণ হচ্ছে সর্বোচ্চ বিক্রি, সহজে ব্যবহারযোগ্য, দীর্ঘস্থায়িত্ব এবং বিশ্বাসযোগ্যতা। গুণগত মান, নির্ভরযোগ্যতা ও নিরাপত্তা নিশ্চিত করতে ব্যাপক পরিসরে পণ্যগুলোকে পরীক্ষা করা হয়ে থাকে। যার ফলে সর্বনিম্ন রিটার্ন রেট রয়েছে আসুসের এবং নির্ভরযোগ্যতা ও সেরা হওয়ার খেতাবটাও জুড়ে নিল আসুস মাদারবোর্ড

গেমার-গ্রাফিক্স ডিজাইনারের জন্য এইচপির ওয়ার্ক স্টেশন

স্মার্ট টেকনোলজিস বাজারে নিয়ে এসেছে এইচপি ব্র্যান্ডের জেড ২৩০ এসএফএফ মডেলের নতুন ওয়ার্ক স্টেশন পিসি। ইন্টেল জিয়ন ই৩-১২২৬ভি৩ সিপিইউসম্পন্ন এই ওয়ার্ক স্টেশনে রয়েছে ইন্টেল সি২২৬ চিপসেট, ৮ জিবি ডিডিআর৩ র্যাম, ১ টেরাবাইট ৭২০০ আরপিএম সাটা হার্ডড্রাইভ, ইন্টেল পি৪৬০০ মডেলের এইচডি গ্রাফিক্স কার্ড, স্লিম সুপার মাল্টি ডিভিডি রাইটার, ইন্টিগ্রেটেড ইন্টেল পিসিআই-ই জিবি-ই/ডিসপ্লে পোর্ট, এইচপি স্ট্যান্ডার্ড কিবোর্ড ও মাউস। তিন বছরের বিক্রয়োত্তর সেবাসহ দাম ৬০,০০০ টাকা। যোগাযোগ : ০১৭৩০৩১৭৭৩৩

গেমারদের জন্য আসুসের গেমিং ল্যাপটপ

গ্লোবাল ব্র্যান্ড গেমারদের জন্য এনেছে উন্নত প্রযুক্তির গেমিং ল্যাপটপ জিএল৭৫২ভিডব্লিউ। ষষ্ঠ প্রজন্মের ইন্টেল কোরআই৭ প্রসেসর, ৪ জিবি এনভিডিয়া জিফোর্স জিটিএক্স ৯৬০এম ডিডিআর৫ ভিডিও গ্রাফিক্স এবং ১৭.৩ ইঞ্চি ফুল এইচডি এলিডি ডিসপ্লে, ২ টেরাবাইট সাটা হার্ডডিস্ক, ১২৮ জিবি সলিড-স্টেট ডিস্ক, ১৬ জিবি ডিডিআর৪ র্যাম, ইন্টেল এইচএম ১৭০ চিপসেট। রয়েছে এইচডি ওয়েব ক্যাম, ল্যান জ্যাক। ৩২০০ মিলিঅ্যাম্পিয়ার ব্যাটারি এবং দুই বছর ইন্টারন্যাশনাল ওয়ারেন্টিসহ দাম ১,১৩,৫০০ টাকা। যোগাযোগ : ০১৯১৫৪৭৬৩৩৩

গিগাবাইট স্লাইপার বিএ মাদারবোর্ড



স্মার্ট টেকনোলজিস বাজারে নিয়ে এসেছে গিগাবাইট স্লাইপার বিএ মাদারবোর্ড। ইন্টেল বি১৫০ এক্সপ্রেস চিপসেটসম্পন্ন এই মাদারবোর্ডে রয়েছে চারটি ডিডিআর৪ র্যাম স্লট, যেখানে সর্বোচ্চ ৬৪ জিবি পর্যন্ত মেমরি ব্যবহার করা যায়। গ্রাফিক্স প্রফেশনালদের জন্য এই মাদারবোর্ডে রয়েছে ইন্টেল এইচডি গ্রাফিক্স সাপোর্ট, হাই ডেফিনিশন অডিও, ইন্টেল জিবি-ই ল্যান চিপ, সাটা এক্সপ্রেস কানেক্টর, মাল্টি গ্রাফিক্স টেকনোলজি এবং ইউএসবি কানেক্টর। তিন বছরের বিক্রয়োত্তর সেবাসহ দাম ৯,৫০০ টাকা। যোগাযোগ : ০১৭৩০৩১৭৮৩

এইচপির ল্যাপটপে ২ বছরের বিক্রয়োত্তর সেবা

এখন থেকে এইচপি ব্র্যান্ডের নির্দিষ্ট মডেলের ল্যাপটপে দুই বছরের বিক্রয়োত্তর সেবা পাওয়া যাবে। এইচপি ১৪ সিরিজের এপি১২৭টিইউ মডেলের এই ল্যাপটপটিতে থাকছে ইন্টেল পঞ্চম



প্রজন্মের ৫০০৫ইউ মডেলের কোরআই৩ প্রসেসর, ৪ জিবি ডিডিআর৩ র্যাম, ১ টেরাবাইট হার্ডড্রাইভ, ১৪.১ ইঞ্চি ডায়াগোনাল হাই ডেফিনিশন ডিসপ্লে, সুপার মাল্টি ডিভিডি রাইটার। দাম ৩৪,৮০০ টাকা। যোগাযোগ : ০১৭৩০৩১৭৭২১

আসুসের ষষ্ঠ প্রজন্মের ট্রান্সফরমারবুক

আসুস দেশীয় আইটি মার্কেটে নিয়ে এলো ষষ্ঠ প্রজন্মের ট্রান্সফরমারবুক টিপি৩০০ইউএ। এর ১৩.৩ ইঞ্চি এইচডি এলইডি টাচস্ক্রিন ডিসপ্লে ৩৬০ ডিগ্রিতে আবর্তিত করা যায়। ২.৩০ গিগাহার্টজ ও ষষ্ঠ প্রজন্মের ইন্টেল কোরআই৫ প্রসেসরসমৃদ্ধ এই ল্যাপটপটিতে রয়েছে ৮ জিবি ডিডিআর৩ র্যাম, ১ টেরাবাইট এইচডি হার্ডডিস্ক। এর রোটটিং টাচস্ক্রিন বৈশিষ্ট্যের কারণে এটি যেকোনো মোডে ব্যবহার করা যায়। রয়েছে ওয়াই-ফাই, ব্লুটুথ, এইচডি ৭২০ পিক্সেল ওয়েবক্যাম। দাম ৬৯,০০০ টাকা। যোগাযোগ : ০১৯১৫৪৭৬৩৩৩

ল্যাম্প ফ্রি ক্যাসিও প্রজেক্টর

বিশ্বখ্যাত জাপানিজ 'ক্যাসিও' ব্র্যান্ডের ল্যাম্প ফ্রি প্রজেক্টর এনেছে গ্লোবাল ব্র্যান্ড। লেজার এবং এলইডি প্রযুক্তির সমন্বয়ে গঠিত এই ক্যাসিও প্রজেক্টরের সর্বোচ্চ লাইট সোর্স লাইফ ২০,০০০ ঘণ্টা পর্যন্ত।



ল্যাম্প ফ্রি প্রযুক্তিতে তৈরি হওয়ায় ক্যাসিও প্রজেক্টরগুলো সম্পূর্ণরূপে পরিবেশবান্ধব এবং বিদ্যুৎসাশ্রয়ী। এই প্রজেক্টরগুলোর বিক্রয়োত্তর সেবা তিন বছর। যোগাযোগ : ০১৯১৫৪৭৬৩৫৯

সার্টিফায়ড আইএসও লিড অডিটর কোর্সে ভর্তি

আইবিসিএস-প্রাইমেক্স সার্টিফায়ড আইএসও আইএসএমএস-২৭০০১ লিড অডিটর সার্টিফিকেশন কোর্সে ভর্তি চলছে। ৩৫ ঘণ্টার কোর্সটির প্রশিক্ষণের দায়িত্বে থাকবেন সার্টিফায়ডে অভিজ্ঞ প্রশিক্ষক। কোর্সটি সম্পন্ন হওয়ার পর কোর্স সমাপ্তি সার্টিফিকেট দেয়া হবে। চলতি মাসে দ্বিতীয় ব্যাচটি অনুষ্ঠিত হবে। যোগাযোগ : ০১৭১৩৩৯৭৫৬৭

আসুস এন সিরিজের মাল্টিমিডিয়া ল্যাপটপ

গ্লোবাল ব্র্যান্ড বাজারে এনেছে এন সিরিজের নতুন মাল্টিমিডিয়া ল্যাপটপ এন৫৫১ভিডব্লিউ। এতে রয়েছে ব্যাং ও উলফসেন প্রযুক্তি এবং ১৫.৬ ইঞ্চি ফুল এইচডি ডিসপ্লে। ২.৬০ গিগাহার্টজ ষষ্ঠ প্রজন্মের ইন্টেল কোরআই৭ প্রসেসরসমৃদ্ধ এই ল্যাপটপটিতে রয়েছে ১ টেরাবাইট সাটা হার্ডডিস্ক, ৮ জিবি ডিডিআর৪ এসডি র্যাম, ৪ জিবি এনভিডিয়া জিফোর্স ৯৬০ এম ভিডিও গ্রাফিক্স। নেটওয়ার্কিংয়ের জন্য রয়েছে ওয়াইফাই, ল্যান জ্যাক, এইচডি ওয়েব ক্যাম। ৫২০০ মিলিঅ্যাম্পিয়ার ব্যাটারি এবং দুই বছর ওয়ারেন্টিসহ ল্যাপটপটির দাম ৮৭,০০০ টাকা। যোগাযোগ : ০১৯১৫৪৭৬৩৩৩

ভিউসনিকের ভিএক্স২২০৯ মনিটর

ভিউসনিকের নতুন মডেল ভিএক্স২২০৯ ২২ ইঞ্চি এলইডি মনিটর বাজারে এনেছে ইউসিসি। এলইডি ব্যাকলাইট সংবলিত ওয়াইড স্ক্রিন এই মনিটরে ফুল এইচডি রেজুলেশনে চকচকে ছবি দেখা যায়। এই মনিটরের কন্ট্রাস্ট রেশিও ২০০০০০০:১ এবং রেসপন্স ৫ মিলি সেকেন্ড। হরাইজন্টাল এবং ভার্টিকাল যথাক্রমে ১৭০ ডিগ্রি ও ১৬০ ডিগ্রি অ্যাঙ্গেল, যা দেবে সর্বোচ্চ অ্যাঙ্গেল ভিউ থেকে স্বচ্ছ ছবির নিশ্চয়তা। এটি ইকো মোড সংবলিত মনিটর, যা বিদ্যুতের অপচয় রোধ করবে। যোগাযোগ : ০১৮৩৩৩৩১৬০১



লেনোভো আল্ট্রা প্রিম ইয়োগা৩ প্রো টাচ আল্ট্রাবুক



গ্লোবাল ব্র্যান্ড দেশে নিয়ে এলো আল্ট্রা প্রিম টাচ আল্ট্রাবুক ইয়োগা৩ প্রো। এই আল্ট্রাবুকটি পুরনো মডেলের ল্যাপটপগুলো থেকে হালকা এবং উন্নত প্রযুক্তি দিয়ে তৈরি। ইয়োগা৩ প্রোতে ব্যবহৃত ওয়াচব্যান্ড হিঞ্জ একে ইয়োগা২ প্রো থেকে ১৪ শতাংশ বেশি পাতলা এবং হালকা। এতে আরও রয়েছে লেনোভো হারমনি সফটওয়্যার, যার মাধ্যমে ব্যবহারকারী অকার্যকর অ্যাপ্লিকেশনগুলো এড়িয়ে পছন্দানুযায়ী অ্যাপ্লিকেশন নিয়ে কাজ করতে পারবেন। এর ১৩.৩ ইঞ্চি মাল্টিটাচ (৩২০০ বাই ১৮০০) কিউএইচডি ডিসপ্লে দেবে অসাধারণ ভিজ্যুয়াল ইফেক্ট। এর ওজন ১.১৯ কেজি এবং পুরুত্ব ১২.৮ মিলিমিটার। রয়েছে ইন্টেল কোরএম৫ওয়াই৭১ প্রসেসর, ৮ জিবি ডিডিআর৩এল র্যাম, ২৫৬ জিবি এসএসএইচডি হার্ডডিস্ক। এক বছর ওয়ারেন্টিসহ দাম ১,৩০,০০০ টাকা। যোগাযোগ : ০১৯৭৭৪৭৬৫০১

ডেলের নতুন ডুয়াল কোর ল্যাপটপ



স্মার্ট টেকনোলজিস বাজারে নিয়ে এসেছে ডেল ইন্সপায়রন ১৪-৩৪৫২ মডেলের নতুন ল্যাপটপ। ইন্টেল এন৩৭০০ মডেলের পেন্টিয়াম ডুয়াল কোর প্রসেসরসম্পন্ন এই ল্যাপটপে রয়েছে ৪ জিবি ডিডিআর৩ র্যাম, ৫০০ জিবি হার্ডড্রাইভ, ১৪ ইঞ্চি ডিসপ্লে, ব্রুথিং, এইচডি গ্রাফিক্স কার্ড এবং ৪ সেল ব্যাটারি। দুই বছরের বিক্রয়োত্তর সেবাসহ দাম ২৯,৫০০ টাকা। যোগাযোগ : ০১৭৩০৭০১৯৩২

আইটিআইএল ২০১১ ফাউন্ডেশন ট্রেনিং ও এক্সামে শতভাগ সাফল্য

আইবিসিএস-প্রাইমেক্সে গত বছরের ৪ ও ৫ জুন সার্টিফিকেট আইটিআইএল এক্সপার্ট ইন্ডিয়া প্রশিক্ষকের অধীনে আইটিআইএল ২০১১ ফাউন্ডেশন ট্রেনিং ও এক্সাম অনুষ্ঠিত হয়। ৭ জন প্রফেশনাল প্রশিক্ষণার্থী ব্যাচটি সফলভাবে শেষ করে অনলাইন পরীক্ষায় অংশ নেন এবং প্রত্যেকে সার্টিফিকেট অর্জন করেন। আগামী আগস্ট মাসে আইটিআইএল ১২তম ব্যাচটি অনুষ্ঠিত হবে। যোগাযোগ : ০১৭১৩৩৯৭৫৬৭

কমান্ডার কন্সো কিবোর্ড



থার্মালটেক ব্র্যান্ডের বাংলাদেশে প্রতিনিধি ইউসিসি বাজারে সরবরাহ করছে গেমিং কিবোর্ড কমান্ডার কন্সো। গেমারদের ক্রয়ক্ষমতার মধ্যে থাকা এই গেমিং কিবোর্ডের সাথে পাচ্ছেন একটি থার্মালটেক ব্র্যান্ডের মাউস। আর্কষণীয় ডিজাইনের এই গেমিং কিবোর্ডটিতে রয়েছে ৮টি মাল্টিমিডিয়া কি। ইউএসবি ইন্টারফেস সংবলিত এই কিবোর্ডে রয়েছে এন্টি বুস্টিং কির সুবিধা। যোগাযোগ : ০১৮৩৩৩৩১৬০১

গিগাবাইটের নতুন মাদারবোর্ড



স্মার্ট টেকনোলজিস বাজারে নিয়ে এসেছে গিগাবাইট ব্র্যান্ডের জি১ শ্লাইপার এম৭ মডেলের নতুন মাদারবোর্ড। ইন্টেলের ৪র্থ প্রজন্মের কোর প্রসেসর সমর্থিত এই মাদারবোর্ডটিতে রয়েছে ডুয়াল চ্যানেল ডিডিআর৪ র্যাম স্লট, ডাবল ওয়ে গ্রাফিক্স উইথ প্রিমিয়াম পিসিআইই লেন, ৩২ জিবি পার সেকেন্ড ডাটা স্পিড, সাটা এক্সপ্রেস কানেক্টর, ১১৫ ডিবি এসএনআর এইচডি অডিও, হাই কোয়ালিটি অডিও ক্যাপাসিটরসহ ৮ চ্যানেল এইচডি অডিও, অডিও নয়জ গার্ড, এলইডি পাথ লাইটিং, ট্রিপল ইউএসবি পোর্ট, ইজি টিউন ও ক্রাউড স্টেশন ইউটিলিটিসমূহ অ্যাপ সেন্টার এবং ডুয়াল বায়োস টেকনোলজি। তিন বছরের বিক্রয়োত্তর সেবাসহ দাম ৯,২০০ টাকা। যোগাযোগ : ০১৭৩০৭০১৯৮৩

এমএসআই নতুন গেমিং মাদারবোর্ড বি১৫০এ



এমএসআইয়ের বাংলাদেশ প্রতিনিধি ইউসিসি বাজারজাত করছে ইন্টেল চিপসেটের নতুন গেমিং মাদারবোর্ড বি১৫০এ গেমিং প্রো। বেস্ট ইন ক্লাস ফিচার ও টেকনোলজির সমন্বয়ে তৈরি এই গেমিং মাদারবোর্ডটি ইন্টেল এলজিএ ১১৫১ সকেট এবং ৪র্থ প্রজন্মের প্রসেসরে ব্যবহারযোগ্য। এই মাদারবোর্ডটিতে র্যামের জন্য রয়েছে চারটি স্লট, যাতে সর্বোচ্চ ৬৪ জিবি পর্যন্ত ডিডিআর র্যাম ব্যবহার করা যাবে এবং সর্বোচ্চ ২১৩৩ বাস পর্যন্ত সাপোর্ট দেবে। এর অডিও বুস্ট-৩ গেমারদের দেবে আল্টিমেট অডিও সাউন্ড সলিউশন, মিলিটারি ক্লাস-৫ দেবে মাদারবোর্ডটির সর্বোচ্চ গুণগত মানের নিশ্চয়তা। যোগাযোগ : ০১৮৩৩৩৩১৬০১

শার্পের নতুন ডিজিটাল ফটোকপিয়ার



গ্লোবাল ব্র্যান্ড শার্প ফটোকপিয়ারের অনুমোদিত অংশীদার বাজারে নিয়ে এলো নতুন শার্প এআর-৬০২০ মডেলের ডিজিটাল ফটোকপিয়ার মেশিন। মেশিনটি একসাথে কপি, প্রিন্ট এবং কালার স্ক্যান করতে সক্ষম। শার্প এআর-৬০২০ মিনিটে ২০ কপি প্রিন্ট করে থাকে। এর রয়েছে ৬৪ মেগাবাইট র্যাম, ৩৫০ শিট পেপার ধারণক্ষমতা, কপি ও প্রিন্ট রেজুলেশন ৬০০ বাই ৬০০ ডিপিআই এবং ২৫ থেকে ৪০০ শতাংশ পর্যন্ত জুমিং রেঞ্জ। এটি লেজার বিম প্রিন্টিং ও ইনডিরেক্ট ইলাস্ট্রোস্ট্যাটিক ফটোগ্রাফিক মেথোড দিয়ে পরিচালিত। প্রতি পৃষ্ঠা কপি বা প্রিন্টিং খরচ মাত্র ৩৫ পয়সা। এক বছর ওয়ারেন্টিসহ দাম ৮৫,০০০ টাকা। যোগাযোগ : ০১৯৬৯৬৩৩০৮১

হুয়াওয়ে টি১ সিরিজের মিডিয়াপ্যাড



ইউসিসি বাজারে সরবরাহ করছে হুয়াওয়ে টি১ সিরিজের ৭.০ ইঞ্চি মিডিয়াপ্যাড। ট্যাবটিতে পাওয়া যাবে আইপিএস ডিসপ্লে এবং যার পিকচার রেজুলেশন থাকবে ১০২৪ বাই ৬০০ পিক্সেল। কোয়ালকোর ১.২ গিগাহার্টজ প্রসেসরের এই ট্যাবে থাকবে ওয়াইফাই ডাটা কানেকশন ও উচ্চগতির প্রিজি ইন্টারনেট সুবিধা, ফ্রন্ট ও রিয়ার ২ মেগা পিক্সেল ক্যামেরা, ১ জিবি ও ৮ জিবি রম। ৪১০০ মিলি অ্যাম্পিয়ার ব্যাটারি, ওজন ২৭৮ গ্রাম। অ্যান্ড্রয়েড ৪.৪ কিটক্যাট ভার্সন অপারেটিং সিস্টেমের সাথে পাওয়া যাবে ইমোশন ইউই ৩.০ ফিচার। যোগাযোগ : ০১৮৩৩৩৩১৬০১

এইচপির ৪র্থ প্রজন্মের কোরআই৩ ব্র্যান্ড পিসি



স্মার্ট টেকনোলজিস বাজারে নিয়ে এসেছে এইচপি প্রো ডেস্ক ৪০০ জি৩ এমটি মডেলের ব্র্যান্ড পিসি। ইন্টেল কোরআই৩ ৬১০০ মডেলের ৪র্থ প্রজন্মের প্রসেসরসম্পন্ন এই ব্র্যান্ড পিসিতে রয়েছে ইন্টেল এইচ ১১০ চিপসেট, ৪ জিবি ডিডিআর৪ র্যাম, ৫০০ জিবি সাটা হার্ডড্রাইভ, ডিভিডি রাইটার, এইচডি ৫৩০ মডেলের গ্রাফিক্স কার্ড, ১৮.৫ ইঞ্চি এলইডি মনিটর, এইচপি ইউএসবি কিবোর্ড এবং ইন্টারনাল স্পিকার। তিন বছরের বিক্রয়োত্তর সেবাসহ দাম ৪০,০০০ টাকা। যোগাযোগ : ০১৭৩০৩১৭৭৩৩

পোর্টেবল প্রজেক্টর নিয়ে এলো ভিভিটেক



গ্লোবাল ব্র্যান্ড বাজারে নিয়ে এলো তাইওয়ানের বিশ্বখ্যাত ব্র্যান্ড ভিভিটেকের নতুন পোর্টেবল প্রজেক্টর এলইডি কিউমি কিউ৫। আধুনিক ডিএলপি প্রযুক্তিসম্পন্ন এই প্রজেক্টরে ব্যবহার হয়েছে ১২৮০ বাই ৮০০ রেজুলেশন, যা স্বচ্ছ ও স্পষ্ট দৃশ্য আনতে সক্ষম। এছাড়া রয়েছে প্রিডি রেডি, ৫০০ আনসি লুমেন্স এবং ৩০ হাজার ঘণ্টা পর্যন্ত ল্যাম্প লাইফ। ৪৯০ গ্রামের প্রজেক্টরটি সহজে বহনযোগ্য। বিক্রয়োত্তর সেবা এক বছর। যোগাযোগ : ০১৯৭৭৪৭৬৪৫৯

প্রিন্স ২ ফাউন্ডেশন ট্রেনিং ও এক্সামে শতভাগ সাফল্য

আইবিসিএস-প্রাইমেক্সে গত বছরের ৬ ও ৭ জুন সার্টিফিকেট প্রিন্স ২ এক্সপার্ট ইন্ডিয়া প্রশিক্ষকের অধীনে প্রিন্স ২ ফাউন্ডেশন ট্রেনিং ও এক্সাম অনুষ্ঠিত হয়। ৬ জন প্রফেশনাল প্রশিক্ষণার্থী ব্যাচটি সফলভাবে শেষ করে পেপার বেজড পরীক্ষায় অংশ নেন এবং প্রত্যেকে সার্টিফিকেট অর্জন করেন। আগামী আগস্ট মাসে প্রিন্স ২ ফাউন্ডেশন দ্বিতীয় ব্যাচটি অনুষ্ঠিত হবে। যোগাযোগ : ০১৭১৩৩৯৭৫৬৭